

FILED

AUG 08 2018

CLERK OF COURTS
REPUBLIC OF THE MARSHALL ISLANDS

IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

Nidel Lorak on behalf of Getrude Navarro)
and Bojeang Lorak and Ain Kabua)

Civil Action No. 2014-232

Plaintiffs)

Vs.)

LEMNAK IM UAAK KO AN TRC EO

Jimton (Jimmy) Philippo 1st Defendant)

Haem Mea 2nd Defendant)

Timmy March 3rd Defendant)

RO UAAN PANEL EO:

Walter K. Elbon
Presiding Judge, TRC

Nixon David
Associate Judge, TRC

Grace Leban
Associate Judge, TRC

JIKIN RONJAKE EO:

Majuro Courthouse

RAN IN RONJAKE KO:

May 10, 12, 16, 23, 24 im 30, 2018

IAKWELEL KO IKOTAN PARTY KO:

Dri Abnono ro rej ba bwe ejjelok aer melele ak jela kin To Weto im Ene Jibaru ke rej imon

Ninnin ellelok in Ladrile nan kokajiriri eo an etan Lito. Dri Abnono ro rejjab jumae melele in ke

Ladrile ear kokajiriri ki Lito. Rej jumae im jab erra ilo melele in ke To Wetu im Ene Jibaru rej imon Ninnin ellelok in Ladrile nan Lito, kokajiriri eo an. Dri Abnono eo Ain Kabua ej ba bwe ekkar bwe en e eo ej Alap nan To Wetu im Enejibaru bedbed ion lajrak eo laltak jen Jam im Linwad. Dri Abnono Nidel Lorak ilo etan kora eo eritto jein, Bojean ej ba ekkar bwe en jolete maron eo an Senior Dri Jerbal bedbed wot ion lajrak eo laltak jen Laruon, Kitmeto im Akki. Dri Jumae Abnono ro rej ba bwe ekkar bwe ren kabjor maron eo an Alap im Senior Dri Jerbal bedbed wot ion lajrak eo lal tak jen Lito einwot ke Ladrile ear kokajidririri ki im kajolete kin maron eo an Alap ikkijen Ninnin kin To Wetu im Enejibaru.

KAJJITOK KO KAR LITOK NAN TRC PANEL EO BWE EN UAAKI:

1. Lito Mea, Ladrille ear ke kokajiriri ki ekkar nan mantin Marshall ikkijen *Kanne Lujen* ak *kanin lojeo*?
2. Ladrille ear ke lelok maron eo an alab im senior dri jermal ilo Enejibaroo Island im To Wetu nan Lito einwot *imon ninnin*?
3. Elane uaak eo nan kajjitok 2 ej “aet”, *imon ninnin* in kar ke lelok ekkar nan manit in Marshall? Ladrille ear kojjeilaiki ke bwij eo im bok melim jen er?
4. Ilo 1987 eo, ikotan Atlon im Lito Mea, won eo ekkar bwe en kar kabjor maron eo an Alab nan To Wetu?
5. Ilo 1987 eo, ikotan Akki Laruon im Lito Mea, won eo ekkar bwe en kar kabjor maron an senior dri jermal nan To Wetu?
6. Ke Atlon Caleb im Akki Laruon rar komalim an Getrude Navarro kalek juon em ilo To Wetu ilo 1987, erro kar kommane menin einwot alab im senior dri Dr Jerbal ke ak rar ke kommane einwot *manmaronron* nan Lito Mea?
7. Ejimwe ke im jejet ekkar nan manit in Marshall bwe Jimton “Jimmy” Philippo, en jermal einwot *manmaronron* nan Neimon Philippo, nan bok moko ruo im Gertrude Navarro ear kaloki ilo To Wetu?
8. Rainin, ikotan Ain Kabua im Haem Mea, won eo ekkar bwe en kabjor maron eo an alab ilo To wetu?

9. Rainin, ikotan Bojeang Lorak im Timmy March , won eo ekkar bwe en kabjor maron an senior dri jermal ilo To weto?

UAAK KO NAN KAJJITOK KEIN REJ EINWOT IN:

1. Ladrille ear kokajiriri Lito Mea
2. Ejjab bwe kein kamol ko nan kalikar ke Ladrille ear lelok To Wetu im Enejibaru non Lito einwot Imon Ninnin.
3. Ejjab Imon Ninnin. Ekkar non kein kamol ko im nan in kamol ko, bwij eo ejjab jela kin Imon Ninnin in.
4. Atlon Calep
5. Akki Laruon
6. Alap im Senior Dri Jermal
7. Ejjab Jimwe
8. Ain Kabua
9. Bojeang Lorak

MELELE KO IM UAAK KEIN REJ BEDBED IOIER:

Ilo kar ien ronjake eo party ko aolep ear wor aer rikamol im kein kamol ko ilo jeje rar jaki mantak bwe Panel eo en buki einwot kein kamol. Panel eo ej kile bwe ekkar nan manit in Marshall, ro ilon juon family rej maron komman kokajiriri ilon family eo. Ladrille ear alikar jen nan in kamol ko im kein kamol ko ke ear ejjelok nejin. Mene Ladrille ear kokajiriri Lito iumin mantin Marshall ak Kane Lujen ak aolep ro ilo lajrak in bwij eo ak botoktok eo ren kar erra kake an kar Ladrille lelok To Wetu im Enejibaru einwot Imon Ninnin non Lito. Ikkijen Imon Ninnin, To Wetu im Enjibaru Island ewor ro rerittolok jen Ladrille einwot Jam im Lenwad Plaintiff Exhibit A . Jam ejjelok nejin. Lenwod ewor nejin im menin ej kalikar bwe

elane aolep ro ilo lajrak in family eo rejjab erra ilo mon Ninnini in nan Lito einwot ikkijen kokajriri ejjab jimwe ak ejjab ekkar. Ijowotke, Lito ebar wor an jimwe im maron einwot arnej in To Wetu, e im ro nejin im jibwin non kommani eddro ko im wawen ko jet ekkar nan manit in Marshall ko ion juon bwidrij ak wetu. Ilo kar nan in kamol ko ear alikar bwe family kein rej juon wot.

Ilo kar yio eo 1987 ejimwe im alikar bwe Atlon en kar e eo ej kabjor maron eo an Alap ilo To Wetu. Defendant Exhibit 5. (Acknowledgement And Consent) ej kalikar bwe Atlon Caleb ear sign einwot alap nan To Wetu im Akki ear sign einwot senior dri jermal. Plaintiff Exhibit B, (Mojen Eo An Irojilaplap Kaibuki), Commission eo an bwirij ear kalikar bwe Atlon ear kabjor maron eo an Alap nan Enejibaru Island im To Wetu. Plaintiff Exhibit F (Majuro Land Determination Ownership) ej kalikar bwe Akki Laruon ej Dri Jermal nan To Wetu. Ilo To Wetu ewor 2 imon jokwe ko an Getrude Navarro im ej alikar ilo Plaintiff Exhibit 5 bwe melim in ekkal eo ear weppen jen Atlon im Akki im Irojilaplap eo ear sign ej Amata Kabua. Panel eo an TRC eo ear ronjake case in ej kile bwe ejjelok an Jimton Jimmy Philippo maron nan bok mon jokwe ko an Gertrude Navarro einwot manmaronro nan Neimon Philippo. Ejimwe ekkar nan mantin Marshall einwot ke ej ritotata nejin Neimon Philippo bwe en Manmaronron nan Neimon Philippo ak ejjab nan bok mon jokwe ko an Gertrude Navarro einwot ke Irojilaplap eo, Alap eo im Senior Dri Jermal eo an To Wetu rar komalim an ekkal.

Panel eo an TRC ej kile bwe ejimwe im ekkar bwe Ain Kabua en kabjor maron eo an Alap nan To Wetu einwot ke ej lajrak laltak ilo line eo an Linwod eo im eritto jen Jam im Ladrille. Panel eo ej tomak bwe Jam ear alap elkin Linwad. Irojilaplap ro moktalok im ro ilo ran kein rej

kile armej rein bwe er ro renaj kabjor maron ko an alap ilo ene im weto kein, einwot To Wetu, Enejibaru Island im bar jikin ko ilo Rongrong einwot an alikar ilo Plaintiff Exhibit B, (Irojlaplap Amata Kabua), Plaintiff Exhibit D, (Leroij Atama Zedkdaia), Plaintiff Exhibit E, (Irojlaplap Lein P. Zedkeia).

Rainin ikotan Bojean Lorak im Timmy March, Panel eo ej kile bwe ekkar bwe Bojean Lorak en e eo ej kabjor maron eo an senior rijerbal rainin ilo To Wetu. Rainin ebar wor ro ilo lajrak ak line eo an Kitmeto rej jokwe ilo To Wetu. Plaintiff Exhibit H,(geneology eo an Neiwan) ej kalikar bwe Kitmeto eritto jen Akki im Lito im ejimwe ak ejejet bwe Bojean, kora eo nejin Kitmeto en e eo ej kabjor maron eo an senior dri jermal ilo To Wetu.

DRI KAMOL AN DRI ABNONO RO:

Daniel Rilang
Ain Kabua
Nidel Lorak
Bill Labja

DRI KAMOL AN DRI JUMAE ABNONO RO:

Haem Mea
Phill Philippo
Maitol A. Riley
Witten Philippo

KEIN KAMOL AN DRI ABNONO RO:

Plaintiff Exhibit A, Genelolgy
Plaintiff Exhibit B, Mojen eo an Irojlaplap Kaibuki, Declaration
Plaintiff Exhibit C, LRA signatures
Plaintiff Exhibit D, pepa in kamol
Plaintiff Exhibit E, pepa in kamol
Plaintiff Exhibit F, Land Ownership list

Plaintiff Exhibit G, Lease Agreement
Plaintiff Exhibit H, Genealogy


KEIN KAMOL AN DRI JUMAE ABNONO RO:

Defendant Exhibit 1, signature eo an Amata Kabua
Defendant Exhibit 2, LRA signatures authenticity
Defendant Exhibit 3, Explanatory notes
Defendant Exhibit 4, genealogy
Defendant Exhibit 5, acknowledgement and consent
Defendant Exhibit 6, ground lease agreement
Defendant Exhibit 7, mojen eo an leroij Atma Zedkeia
Defendant Exhibit 8, land owner consent

WAWEN KO JET PANEL IN EJ LOI BWE AIKUIJ BAR KONONO KAKI:

Mene menmenbwij ko an party kein reoktak jen dron im jab kwalok aolep lajrak ak (jab complete) ak jen nan in kamol ko jen ro rar kamol ej alikar bwe rej juon wot. Rej aolep arnej in To Weto im ewor aer maron nan jokwe ie im ekkal aer imon jokwe ilo To Weto. Ijo wot ke kile im kautiej ro rekkar rainin non kabjor maron an alap im senior rijerbal ej aikuj komman. Mantin Marshall eo in bwe jen lale im kejbarok doon ilo bwirej ko ad.

Dated: 8/8/18



Walter K. Elbon
Presiding Judge, TRC



Nixon David
Associate Judge, TRC



Grace Leban
Associate Judge, TRC